

A2^r

Dem Ehrwürdigen Herren
 Marco Schöllenberg Canonico zů
 Augspurg bey S. Moritzen Stifft/
 meinem günstigen lieben herren wüñch
 ich von Got dem vater/ gnad/ frid/
 durch feinen geliebten Sun
 Jefum Criftū/ vnfern
 herren vnd heyls
 landt.

Wiewol bißher mancherlay art
 der gebet zů got erfunden/ vnd an
 tag auf das pelte geltels gegeben wordē
 fein/ alls da fein der Selen Luftgarten/
 Troftbüchlein/ Speiskeimern vnd Feur
 zeug der felen heil zů nutz gefchriben/ vnd
 wie sie dann genent werden mögen auff
 mancherlej wege. So hat mich doch für
 güt angefehen das Hantbüchlein Angu
 ftini auch zů tranfferiren in das teüfch/
 weil ich gespürt hab das folliches nicht
 wenig fürgüet angefehen haben/ funder
 lich fo es in Latein auch außerhalb an
 A ij derer

A2v

derer Buecher Auguftini in ain klainen
 form verfertiget ift/ wolt got man funde
 dermaffen leutt/ die allain bey fich felbs
 erortterten/ was doch für groffe begir vn̄
 andacht der heilig Auguftin⁹ zu hymli-
 fchen dingē gehabt hete/ Dañ alda findt
 man ein überfluß der wörter/ welhe alle
 iren vrfprung vom hertze haben/ wie dañ
 das gemaine ſpruchwort lauttet/ was dz
 hertz voll ift geht der mundt vber. Dar-
 umb will ich ainen yedtlichen lefer difes
 buechleins vermanet haben/ das er difs
 für ein handbuechlein allain vmbtrage/
 fo fein gemüt von eufferlichen forgen erle-
 diget/ vn̄ allain zu got gericht ift/ dañ da
 muß er jm gedencken/ fihe ich bin allain/
 vnd rede allain mit Gott perſönlich.

Derohalben mein lieber Marce ſchickh
 ich euch vnd ewrem mituerwondten diß
 Buechlein/ vnd nicht mehrern/ das ich
 weiß gewiß ewr gemuet gegen mir/ fun-
 derlich was götliche werck antreffend
 ift/ Sage auch durch got dē ich hie bezeü-
 gen wil/ das ich folches im peften ange-
 fangen

A3r

fangen vnnd außgehn laffen hab/ Tröft
mich darnach des spruchs Pauli 8. Ro:
Wir wiffen das denen die got lieben alle
ding zum besten dienē. Darumb bitte ich
lieber Marce/ jr wöllet mir diß fürnemē
helffen bestettn vnd defendirn/ welches
jr schuldig zů thun seit aus ewrer Voca-
tion/ vnnd mich herren Christoff Rum-
mell ewrem Chorbrüder auch commen-
diren. Letzlich föllen wir allda klopfen
vnd feufftzen in difem Būchlein ernft-
lich in der kirchen vnd da haim auch mit
wainen vnd betten/ fo wirdt got bey vns
sein/ vnd vns auß aller not helffen vnd
selig machen/ Amē. Geben zů Mūnchñ
den 3 Julij Anno dñi 1555.

M. Calparus Macer.

A iij Ein

A3^v

Ein Vorred.

DJe weil wir alle mitten in
dem netz vnferer feind ligen vñ
gefangen fein/ fo erkaltet gantz leicht in
vns daz hertzlich verlangen zů himlſichē
dingen/ Darumb fo müeffen wir ein ftete
bewarung haben/ vnd tägliche befchütz-
ung/ auf das fo wir erwachen zů kainem
andern in vnferen abfallen/ dann zů vn-
feren waren Gott/ der das aller höchfte
gūt ift/ lauffen vnd fliehen/ Derohalben
nicht aufs ainer fräuenlichen fürnemen/
fonder aufs jnprinftiger lieb/ die ich hab
gegen meinem got/ hab ich jm zů lob vñ
ehren difes Bűechlein mit funderlichem
fleiß befchribē/ auf das ich hette auß den
ſchöneften ſprüchen der heiligen lerer ein
kurtz hantbűechlin allzeit bey mir/ darjñ
ich betrachtet alle tag meinen Got/ aufs
welchem lefen/ fo oft ich vor lieb zů jme
erwarmet/ letztlich gantz jnprünftig ent-
zündet

A4^r

zündet würd. Nun aber fo ftehe mir bey
 o mein got/ den ich fueche/ den ich liebe/
 den ich von hertzen vnd mund vnd allen
 meinen krefftten lobe vnd anbette/Mein
 gemüett ift gegen dir allain andechtig/
 gegē dir allain ift es vor liebe entzündet/
 dir lebt es/ dir ftelt es nach/ dich allain
 begert es zûfchawen/ nichts lieblichers
 waiße es/ dañ nun von dir reden/ fchrei-
 ben/ vnd handeln/ auch dein herrligkait
 von hertzen fo vleiffig betrachten/ auff
 das mir fo liebliche gedanckhen/ in difen
 müefeligen leüfften difer welt/ ain rhue
 werden vnnd ergetzung meines lebens/
 Darumb fo rüeffe ich dich an/ alls denn
 nach dem ich das größt verlangen hab/
 Zû dir fchreye ich miht groffem gefchray
 von gantzen meinem hertzen/ vnd wann
 ich dich anrüeffe/ fürwahr fo rüeffe ich
 dich in mir an/ dañ funft werd ich gantz
 nichts/ fo du in mihr nicht wereft/ vnnd
 wañ ich in dir nicht were/ fo wurdeft du
 in mir nicht fein/ jn mir bift du/ dann du
 bleibft mir in meinen gedanckhen/ aufs

A iiij wel

A4^v

welchen ich dich erkenne/ vnd auß wel-
chen ich dich auch erfinde/ fo ich an dich
gedenck/ vnd ein luft vnd freud entpfahe
in dir von dir/ aufs welchen/ durch wel-
chen vnd in welchen alles fteht/ vnd er-
fchaffen ift.

Ende der Vorred.